

Te Kererū

Te Matapae

Ngā Mōhiotanga

Ngā Wheako
Whaiaro o Mua

nā Ratu Tibble

nā Peter Campbell ngā pikitia

He Whakatau – I mua i te pānuitanga i te pukapuka

- Me mātua whakatakoto te kaiako i tētahi tūāpapa mō te tamaiti kia kaingākau ai te tamaiti ki te pukapuka.
- Kia kaha ki te tō mai i ngā wheako whaiaro o te tamaiti e pā ana ki te horopaki.
- Me patapatai hei whakatenatena i te tamaiti ki te wānanga me te matapae i ngā kōrero o te pukapuka.

He tauira hei whakatau

1. Whakaaturia te uhi o te pukapuka ki te tamaiti. Uia ētahi pātai kia mōhio ai koe e pēhea ana ōna whakaaro mō te pukapuka.

Hei tauira: He aha tēnei momo manu? Ko wai te ingoa o tēnei manu? Ko wai kua kite atu i te kererū? He pēhea te āhua o te kererū? Kitea ai te kererū i hea? He aha ngā kai a te kererū?

2. Matapakihia te tapanga. Matapakihia ngā kārawarawa tuhituhi pēnei i ngā pū matua, ngā irakati, ngā tohu pātai me te aha noa atu.
3. Pātai atu: He aha ki tōu whakaaro te kaupapa o tēnei pukapuka?

Kupu Hou

- Me mātua whakaako te kaiako i ngā kupu hou i mua i te pānuitanga a te tamaiti i te pukapuka.
- Me wānanga te tamaiti i te tikanga o ngā kupu hou.
- Me rongō, me ako te tamaiti i te whakahua tika o ngā kupu hou.
- Me kite hoki te tamaiti i ngā kupu ā-tā o te pukapuka.

Te Whakaako i ngā Kupu Hou

- Kōrerotia ngā pikitia o te pukapuka
- Mahia he mahi whakaari
- Whakaaturia ētahi atu pikitia whai pānga
- Tautohua ngā kupu hou ā-tā.

He Ngohe

Hei Mahi 1: He ngohe kupu tēnei hei whakaū i ngā kupu hou o te pukapuka. I mua i te ako kupu ā-tā, me mōhio te tamaiti ki te tikanga me te whakahua tika o te kupu.

Hei Mahi 2: He ngohe whakarongo tēnei kia whai take, kia aro ai te tamaiti ki te whakahua o te reo i a ia e whakarongo ana ki te kōpae.

Ka whakaraupapahia e ia ngā pikitia, i a ia e whakarongo ana ki te kōrero. Hei muri mai ka titiro atu ai ki te pukapuka.

He Wānanga – I muri i te pānuitanga i te pukapuka

Hei Mahi mā te Kaiako

- Āta whakaritea ngā pātai
- Āta whakaakohia ngā kupu hou
- Whakaharataungia ngā kupu waiwai

Pātai arotahi: Ka aha te kererū?

He Whakamāramatanga

Te whakawhiti kōrero

- Ka whakawhiti kōrero te kaiako me te ākonga
- Ka whai wāhi te ākonga ki te pānui atu ki te kaiako
- Ka aroturuki te kaiako

He Tauira Pātai hei Whakapuaki Whakaaro

1. He aha te kaupapa o tēnei pukapuka?
2. He aha te mahi a te kererū?
3. I rere te kererū ki hea?
4. He aha te kererū i tiki hua ai?
5. Ki ōu nā whakaaro he reka ki te pipi ana kai?

Hei Mahitanga:

- Ko te whakarongo anō ki te kōpae
- Ko te pānui a te ākonga i a ia e whakarongo ana ki te kōpae
- Ko te pānui a te ākonga ki a ia anō me te kore kōpae
- Ko te pānui atu ki tētahi hoa
- Ko te whakaoti i tētahi atu Hei Mahi.

Hei mahi 3: He ngohe pānui

Hei mahi 4: He ngohe tuhituhi

Ingoa: _____ Te rā: ____/____/____

Te Kererū

nā Ratu Tibble

Tuhia he rārangi mai i te kupu ki te pikitia tika.



piki



topa



tau



heke



rere



Ingoa: _____ Te rā: ____/____/____

Te Kererū

nā Ratu Tibble

I a koe e whakarongo ana ki te kōpae
whakaraupapahia ngā pikitia i runga i tāu e rongo ai.



Ingua: _____ Te rā: ____/____/____

nā Ratu Tibble

Te Kererū

Me whiwhi:



kutikuti



kāpia

Whakapirihia ngā kōrero e hāngai ana ki ia pikitia.



Ka topa te kererū.

Ka rere te kererū.

Ka piki te kererū.

Ka heke te kererū.

Ka tau te kererū.


Ka ora te pīpī kererū.

Ingoa: _____ Te rā: ____/____/____

nā Ratu Tibble

Te Kererū

Ka hiahiatia:





pene rākau



kutikuti





kāpia



Ka rere te kererū.

Ka k _____ te kererū.



Ka p _____ te kererū.

Ka t _____ te kererū.

piki

tau

~~rere~~

kai

